

息烽縣志卷十五

方物志

動物部

禽畜類

鷹 爾雅鷹鵠鳩說文雁雁鳥也籀文作鷹春秋左氏傳曰  
爽鳩氏司寇禮月令季夏鷹乃學習孟秋鷹乃祭鳥李  
時珍曰鷹出遼海者上北地及東北胡者次之北人多  
取雛養之南人八九月以媒取之乃鳥之疎暴者按古  
有有角鷹鵠鳩蒼鷹之異名今則多以老鷹呼之其為  
物也大愈鷄鶩頭扁喙堅翼長爪利目既強視性更猛  
鷲能於飛空攫食諸小鳥並能降搏兔鼠或鷄鶩之雛

息烽縣志

卷之十五

動物部 禽畜類

一

故當其高翔長鳴之際諸小物無不避之巢多倚於危  
崖大樹人或呼之為崖鷹其肉其骨均入藥其毛中製  
器固不獨縣之產也

鷄 一名雉一名鳶一名鷄一名鵠一名雀鷹亦搏鷲之鳥

也亞於鷹而形態畧不大殊詩有鷄彼飛雉及鳶飛戾  
天之詠胥是物也李時珍曰鷄鳶二字篆文象形一云  
鷄其聲也鳶攫物如射也雉擊物雉也鷄目擊遙也似  
鷹而稍小其尾如舵極善高翔專捉鷄雀今按此物之  
形態雖畧異於鷹而其鷲搏之性曾不稍殊鳥之肉食  
者固先鷹鷄然猶有小於鷹鷄而能以鷹鷄供其攫搏  
者雖前籍未著乃遵義府志據仁懷舊志載有鐵稜甲



一物縣之訪冊亦有是名彙列於下

鐵稜甲 遵義府志以為大如畫眉尾歧如魚尾嘴距如鐵  
身黑色故名短小精悍鷹鷂之所畏也嘗坐庭中鷹下  
攫鷄雛去此鳥疾去如風撲鷹左右鷹毛散落雛墮地  
復生按郝懿行爾雅義疎有山中有小鳥曰馬兒尾生  
鐵翅子青黑色大如鴿又食其母此鐵稜甲或即郝氏  
之所謂鐵翅子者非耶

鴉 爾雅鴉鴉鴉又鴉鴉鷄鴉又狂茅鴉怪鴉梟鴉又雀老  
鷄郭璞有鴉鷄鴉鷄鴉鷄怪鳥土梟木兔之註其  
曰鴉曰山鴉曰山鷄曰流離曰角鴉曰雀曰不孝鳥曰  
舊鴉曰鴉久曰訓狐曰訓侯曰幸胡曰轂轆貓曰轂轆

息烽縣志

卷之十五

動物部 禽畜類

二

鷹曰呼嗒鷹曰夜食鷹曰車載板曰快扛鳥曰春哥兒  
曰魍魎曰貓兒頭曰貓頭鳥曰貓頭鷹此漢晉以來之  
所記載今貴州人通呼鬼冬哥則又為僅見者李時珍  
以鴉鷂為一類鴉為一類而所釋諸名終不能無牽合  
今之談動物者亦以鴉為一類鴉鷂為一類而其析釋  
又皆不用漢晉以後記載之諸名別標白鴉青葉鴉金  
眼鴉森鴉倉鴉及鷲鷂鴉鴉鴉鴉鴉虎鷂梟鷂木兔小  
耳木兔之異稱而總謂鴉科其說是物之形狀也嘴短  
而鉤曲嘴基有蠟膜口裂達眼一面部潤有剛毛脚強  
壯跗蹠部長適中或短常生羽毛四趾具強爪後趾最  
小外趾畧向後方翼長短無定尾有長短生耳狀之角



羽常巢於樹洞崖隙古屋之隅角或他鳥之巢食物以鼠為主有時食昆蟲及魚類世界各處皆產之約有二百餘種是一類繁種之物固莫有若此鳥者縣地所產當無二百餘種之夥概畧言之或者不出十種而其名之或應於漢晉以來之何指又當今之談動物者之誰稱且俟博識者詳析之

斑鳩 爾雅佳其鳩鳩郭注今鴉鳩說文以為祝鳩左傳杜預注以為鴉鳩詩召南維鵲有巢維鳩居之陸機疎云鴉鳩灰色無繡項陰則屏逐其匹晴則呼之語曰天將雨鳩逐婦是也掌禹錫曰斑鳩是處有之春分化為黃褐侯秋分化為斑鳩寇宗奭曰斑鳩有有斑者有無斑

息烽縣志

卷之十五

動物部 禽畜類

三

者有灰色者有大者有小者雖有此數色其用則一也嘗養之數年並不見春秋分變化李時珍曰鳩也鷓也其聲也斑也錦也其色也佳者尾短之名也古者庖人以尸祝登尊俎謂之祝鳩此皆鳩之大而有斑者其小而無斑者曰佳曰鷓曰荆鳩曰楚鳩曰斑佳曰錦鳩鳩之子曰鴉鳩曰役鳩曰糠鳩曰郎皋曰辟皋揚雄方言混列諸鳩不足據鳴鳩能化鷹而斑鳩化黃褐侯之說不知所出處今鳩小而灰色及大而多斑如梨花點者並不善鳴惟項下斑如真珠者其聲大能鳴可以作媒引鳩入藥尤良鳩性慤孝而拙於為巢繞架數莖往往墮卵故曰鷓巧而危鳩拙而安又按今之談動物者則



有雉雄斑鳩紅鳩冠鳩之分冠鳩不產於國內餘則俱有縣產之鳩固無殊於國中候鳥之一也

布穀 爾雅鳩鳩郭注今之布穀也江東呼為獲穀詩曹風鳩在桑揚雄方言布穀自關東西梁楚之間謂之結詰周魏之間謂之擊穀陸璣詩疏今梁宋之間謂布穀為鳩鳩一名擊穀一名桑鳩陳藏器曰布穀鳩鳩也江東呼為獲穀亦曰郭公北人名撥穀牝牡飛鳴以翼相拂擊戴侗六書故其聲若曰布穀故謂之布穀又謂勃姑又謂步姑李時珍曰布穀名多皆各因其聲似而呼之如俗呼阿公阿婆割麥插禾脫却破袴之類皆因其鳴時可為農候故耳再按宋祁益部方物畧記有

息烽縣志

卷之十五

動物部 禽畜類

四

護花鳥至春則鳴其音若云無偷花果髣髴人言贊曰苗首黑裳黃馭其羽厥鳴嚶嚶若禁若護名而不情盜者猶懼遵義府志據之載入物產羽類且云郡人呼為獲草包穀或呼早早布穀各以音相似名之然則今縣之人當春深時固聞有鳥飛而長鳴其音四轉或以為快哉快獲或以為包飯過河又以為刀上掛紅者且即縣人之所謂證之四距之縣其解此鳥語者無甚差殊更即昔時諸家所說此鳥四轉之音以思之何嘗非一物也乃益部方物畧記竟獨標護花鳥之新名以見其奇蓋亦以荅宵寐匪禎札闕宏庥之雅誦乎七百年間遵志乃纂乃載奇聞而顯所本遵義之地又豈非益部



之所析隸乎然而昔時諸家所說布穀四轉之音纂遵志者寧未之知乎抑護花鳥之轉此四音獨有異於布穀者乎萬類之數生於世繁衍固無所紀極然亦有昔夥其形今絕其聲又鳥在不有昔無其名今觀其實者若其一物而今昔之稱辨獨殊者誰得曰無是理也布穀之為鳥寧非斑鳩之同類異種乎斑鳩既有不一之稱名布穀亦何能不然護花鳥之新名亦無所究於宋氏之尚奇且貴州人又何嘗不有催耕雀之通呼也况催耕雀之呼又不惟布穀一物足以當之

滑鳩

爾雅鷓鴣郭注似山鵲而小短尾青黑色多聲今江東亦名為鷓鴣張衡東京賦鷓鴣春鳴按此鳥之

息烽縣志

卷之十五

動物部 禽畜類

五

詳釋惟郝懿行爾雅義疏多所徵引謂鷓鴣鷓鴣鷓鴣滑鳩鷓鴣滑鷓鴣朝青肩九名其實皆為一鳥異時異地聲轉之故俾一物之名滋多而學者不易辨誠哉鳥獸草木之多識非易事也縣之訪冊未見此物而有發科鳥其鳴如云發科其聲蒼而短祇有兩字徧檢諸書何有斯稱詳玩爾雅乃慨然於發科之聲與滑鳩諸名皆為聲轉有合於郝氏之說也故為列之又今之談博物學者亦具圖鷓鴣之形於鳩鷓類中訪冊又言其鳴畧後於布穀則其為候鳥也何疑其為通呼之催耕雀亦無所疑有以為非然者願侍教焉

伯勞

爾雅鷓鴣伯勞也郭注似鷓鴣而大左傳曰伯趙是又



名伯鷓又名博勞又名鳩曹植惡鳥論伯勞蓋賊害之鳥也其聲鴟鴞故以其音名李時珍曰感陰氣而動殘害之鳥也謂其為惡聲者愚人信之通士畧之即今之所謂苦鳥大如鳩黑色以四月鳴其鳴曰苦苦又名姑惡

百舌 一名反舌一名鷓鷯一名牛屎咧哥禮月令仲夏之月反舌無聲李時珍曰能反復如百鳥之音故名處處有之居樹孔窟穴中狀如鷓鷯而小身略長灰黑色微有斑點喙亦尖黑行則頭俯好食蚯蚓立春後則鳴轉不已夏至後則無聲十月後則藏蟄人或畜之冬月則死

息烽縣志

卷之十五

動物部 禽畜類

六

黃鶯 爾雅倉庚商庚又倉庚黃也詩豳風有鳴倉庚禮月令仲春之月倉庚鳴揚雄方言鸝黃自關而東謂之倉庚自關而西謂之鸝黃陸璣詩疏幽州人謂之黃鶯李時珍曰大於鸝鷓雄雌雙飛體毛黃色羽及尾有黑色相間黑肩尖嘴青脚立春後即鳴麥黃椹熟時尤甚其音圓滑如織機聲乃應節趨時之鳥也

鸝鷓 說文作鷓鷓一名八哥一名咧咧鳥一名寒皋周禮冬官考工記鸝鷓不踰濟春秋昭二十五年鸝鷓來巢陳藏器曰五月五日取雛翦去舌端能效人言羅願爾雅翼鸝鷓似鷓而有憤飛輒成羣李時珍曰此鳥好浴水其睛瞿瞿然故名巢於鵲巢樹穴及人家屋脊中身



首俱黑兩翼下各有白點其舌如人舌翦剔能作人言  
嫩則口黃老則口白頭上有有憤者亦有無憤者今縣  
人之於此鳥常繒取而籠養之翦剔其舌固能言亦有  
教之久終不能言者

畫眉 此亦無地不產之鳥其鳴則清脆宛轉故無在不為  
人籠養之其形其色人皆悉之有一種尤大者則謂之  
白眉也

鵲鳩 爾雅鵲鳩鵲渠郭註雀屬也飛則鳴行則搖詩小雅  
脊令在原前漢書東方朔傳譬若鵲鳩飛且鳴矣陸璣  
曰大如鷦雀長脚長尾尖喙脊上青灰色腹下白頸下  
黑如連錢故杜陽人謂之連錢陸佃埤雅引物類相感

息烽縣志

卷之十五

動物部 禽畜類

七

志俗呼雪姑其色蒼白似雪鳴則天當大雪驗之良然  
郝懿行曰此鳥喜飛鳴作行則首尾搖動巢於沙土故  
東齊謂之沙稽留稽留又脊令之聲轉矣今縣之人乃  
呼為點水雀毗近諸縣亦有同此呼者

杜鵑 爾雅雉周郭註子雉鳥出蜀中其別名則子規也種  
歸也催歸也思歸也杜宇也鷓鴣也鷓鴣也怨鳥周燕  
也陽雀也陳藏器曰杜鵑小如鷦鳴呼不已李時珍曰  
杜鵑與子雉子規鷓鴣催歸諸名皆因其聲似各隨方  
音呼之而已其鳴若曰不如歸去出蜀中今南方亦有  
之狀如雀鷦而色慘黑赤口有小冠春暮即鳴夜啼達  
旦鳴必向北至夏尤甚晝夜不止其聲哀切因家候之



以興農事惟食蟲蠹不能為巢居他巢生子冬月則藏  
蟄遵義府志引李心衡金川瑣記綏靖屬之遜克宗也  
名有一種雀形如斑鳩長尾常自呼曰貴貴陽晝夜不  
絕聲土人目為陽雀云係雀王深棲叢莽不喜飛翔日  
俟羣雀供蟲豸此雀非蟲不食與叫月子規空山答響  
其按語以為瑣記謂與子規別一鳥非是今縣境當春  
深之後固聞有不如歸去之鳥聲抑亦更聞有貴貴陽  
或謂之古故陽之鳴聲則李心衡之說是而遵義府志  
則本李時珍之論以駁金川瑣記矣乃今之談博物學  
者先為杜鵑之圖而別圖鷓鴣以附之則杜鵑者不如  
歸去之鳴聲者也鷓鴣者貴貴陽或古故陽之鳴聲者

息烽縣志

卷之十五

動物部禽畜類

八

也一類二種之物夫豈杜鵑鷓鴣而為然哉李時珍之  
必合二鳥為一名遵義府志依之竊謂當以李心衡之  
說為確也

鷓鴣

一名越雉蘇頌曰江西閩廣蜀夔州郡皆有之形似  
母鷄頭如鷓鴣前有白圓點如真珠背毛有紫赤浪文  
李時珍曰此鳥性畏霜露早晚稀出夜棲以木葉蔽身  
多對啼今人謂其鳴曰行不得也哥哥今按縣境雖有  
是物然不及會城東指之沅水經流諸縣凡夏秋山行  
者無不聞斯鳥之啼聲也

竹雞

一名山茵子一名雞頭鷓一名泥滑滑陳藏器曰山  
茵子生江東山林間狀如小雞無尾李時珍曰茵子言



味美如菌也蜀人呼為雞頭鵲南人呼為泥滑滑因其聲也處處有之多居竹林形比鷓鴣差小褐色多斑赤文其性好啼見其儔必鬪捕者以媒誘其鬪因而網之諺云家有竹雞啼白蟻化為泥蓋好食蟻也

秧雞 李時珍曰大如小雞白頰長嘴短尾背有白斑多居田澤畔夏至後夜鳴達旦秋後即止今按此物與竹雞常為人捕食之

啄木 爾雅鷲斲木淮南說山篇斲木愈鷲羅願曰此鳥褐者是雌斑者是雄又有青黑者頭上紅毛如鶴頂山中人呼為山啄木李時珍曰啄木小者如雀大者如鴉面如桃花喙足皆青色剛爪利嘴嘴如錐長數寸舌長於

息烽縣志

卷之十五

動物部禽畜類

九

味其端有鍼刺啄得蠹以舌鉤出食之今按此鳥能捕食諸害蟲頗為有益於人然人之相謂巨木有空其中者必皆傷於是物亦常見其居大樹之巔而運旋本能木屑有紛然墜落者洵足為諸木之害也

雉 爾雅鷩諸雉說文雉有十四種盧諸雉鷩雉鳴雉鷩雉

秋秩海雉翟山雉鷩雉卓雉伊洛而南江淮而南曰雉南方曰雉東方曰雉北方曰雉西方曰雉易說卦離為雉書益稷山龍華蟲作繪禮曲禮雉曰踈趾詩邶風雉雉于飛又有鷩雉鳴又右手秉翟又小雅如翬斯飛又雉之朝鳴又大雅有集惟鷩論語山梁雉雉漢高祖后呂氏名雉乃諱雉改為野雉寇宗奭曰雉飛若矢一往



而墮故字從矢今人取其尾置舟車上欲其快速也李時珍曰南北皆有形大如雞而斑色繡翼雄者文彩而尾長雌者文暗而尾短其性好鬪其卵褐色將卵時雌避其雄而潛伏之否則雄食其卵也 翟雉 鷓雉 鷓雉三種舊皆有山雞之別名貴州之他縣有呼翟雉為箐雞者若鷓雉之舊名則有錦雞金雞采雞鷓雉四呼蘇頌之說曰江淮伊洛間一種雉小而尾長者為山雞人多畜之樊中即爾雅所謂鷓山雉也李時珍之說曰山雞有四種名同物異似雉而尾長三四尺者鷓雉也似鷓雉而尾長五六尺能走且鳴者鷓雉也其二則鷓雉錦雞也鷓鷓皆勇健自愛其尾不入叢林雨雪則

息烽縣志

卷之十五

動物部 禽畜類

十

崖伏木棲不敢下食往往餓死南方隸人多插其尾於冠其肉皆美於雉鷓出南越諸山中湖南湖北亦有之狀如小雞其冠亦小背有黃赤文綠項紅腹紅嘴利距善鬪以家雞鬪之即可獲此皆縣之所有而翟字或作鷓即鷓即鷓通常人都不之識矣

鳥 一名孝鳥一名慈鴉一名寒鴉掌禹錫曰慈鳥北土極多似烏鴉而小多羣飛作鴉鴉聲不羶臭可食李時珍曰鳥有四種小而純黑小嘴反哺者慈鳥也似慈鳥而大嘴腹下白不反哺者鴉鳥也似鴉鳥而大白項者燕鳥也似鴉鳥而小赤嘴穴居者山鳥也山鳥一名鷓出西方燕鳥一名白脰一名鬼雀一名鷓鷓今按貴州諸



地之鳥多小而純黑小嘴反哺者縣人亦惟以此種為常見而以白項者為同類別種矣

鴉 爾雅譽斯鴉鵲郭註鴉鳥也小而多羣腹下白江東亦呼鴉鳥說文鴛卑居也又鴉楚鳥也一名鴛一名卑居秦謂之鴉詩小雅弁彼譽斯周禮夏官羅氏掌羅鳥鳥鄭註鳥謂卑居鴉之屬李時珍曰鳥鴉大嘴而性貪鷲善避繒繳今按此種縣境亦有其攫食死鼠與鷹鴉無異信如李時珍之所謂其性貪鷲者矣

白項鳥 爾雅燕白脰鳥禽經慈鳥反哺白脰不祥前漢書五行志景帝三年十一月有白頸鳥與黑鳥羣鬪楚國呂縣白頸不勝墮泗水中死者數千劉義慶世說大問

### 息烽縣志

卷之十五

動物部 禽畜類

十一

見諸王如何答曰見一羣白頸鳥但聞喚啞啞聲了仙芝詩曉幕紅中燕春城白項鳥按此物與烏與鴉乃為一類三種在昔名物尚質多以一字連後雖引伸類長不離其始即此鳥之與鴉尚論前載者曾知為二物而中古以後何嘗不有泛指為一而言烏鴉者又何嘗不有倒換其字以言鴉鳥者其有方音展轉或以形色之略異而一物竟被多名更有一名而又加之數物此之為例蓋見其多且言諸木者誰不知有楊柳之一物乎其實楊之與柳何嘗不是一類二種乃自楊柳混稱以來人但知指弱條細葉下垂如絲之品以當之而枝揚葉圓一種幾於一見而不識其有無名呼或有能辨之



者又幾何而不為衆楚之所咻乎此非烏鴉之同例乎  
惟楊柳之名尚無倒呼柳楊者其較鴉烏猶為負屈稍  
淺然而楊之為楊其種非一柳之為柳又豈種之偏獨  
識者固當辨之而此白項烏之微異於鴉與烏又同為  
流俗之所憎厭謂其止而鳴之之所必有不祥者亦不  
值有識之一笑也縣境之有白項烏似較少於鴉與烏  
矣

鵲 爾雅鵲鴝醜其飛也鵲又烏鵲醜其掌縮詩召南維鵲  
有巢又邛風鵲之疆疆禮月令季冬鵲始巢莊子天運  
篇烏鵲孺註傳枝而孚生也因傳枝而名鵲鵲淮南子  
修務訓如鵲之駁說文作烏鵲也鵲篆文烏正字通鵲

息烽縣志

卷之十五

動物部 禽畜類

十三

春三月孔子已舍巢去他鳥居之涉秋首無毛若禿本  
草一名飛駁鳥一名喜鵲一名乾鵲李時珍曰鵲鳴喏  
喏故謂之鵲鵲色駁雜故謂之駁靈能報喜故謂之喜  
性最惡濕故謂之乾梵書謂之芻尼烏屬也大如鴉而  
長尾尖嘴黑爪綠背白腹尾翮黑白駁雜上下飛鳴以  
音感而孕以視而抱季冬始巢開戶背太歲向太乙知  
來歲風多巢必卑下故曰乾鵲知來今按又有名之為  
燒茶者則以其鳴聲或如燒茶也鴉為人惡而鵲為人  
喜同一飛類何辨吉凶人之自為趨避者人之妄也

山鵲 爾雅鷺山鵲郭註似鵲而有文彩長尾嘴脚赤說文  
鷺鷥鷺山鵲知來事鳥也本草一名赤嘴鳥一名山鷓



李時珍曰處處山林有之狀如鵲而鳥色有文彩赤嘴赤足尾長不能遠飛亦能食雞雀今按此鳥多巖棲縣人每捕得之

鷓鴣

爾雅鳩鴝郭註今鳩雀又鴝鴣母郭註鷓也青州呼鷓母又鷓子鳩鴝子鷓郭註別鷓鴣雖之名禮內則雉兔鷓鴣鄭玄註以鷓為鴝詩邶風鷓之奔奔陳藏器曰鷓是小鳥鷓類也一名鴝李時珍曰鷓不木處可謂安寧自如矣鷓則鷓音之轉候鳥也常晨鳴如雞趨民收麥行者以為候鷓與鷓兩物也形狀相似俱黑色但無斑者為鷓也今人總以鷓鴣名之是鷓與鷓各為一物因其俱在田野而形狀相似故不知別之又曰鷓性

息烽縣志

卷之十五 動物部 禽畜類

三

醇竄伏淺草無常居而有常匹隨地而安其行遇小草即旋避之亦可謂醇矣大如雞雞頭細而無尾毛有斑點甚肥雄者足高雌者足卑其性畏寒其在田野夜則羣飛晝則草伏人能以聲呼取之畜令鬪博今按貴州之通俗謂鷓為鷓鴣而別謂鷓為鳥鷓二物之實雖存而其名之溷易幾眩識者之目縣固有人畜之而以鬪博勝負然二物之畜皆不以籠為袋以繫人身必取溫始能久活信如李時珍之說其性畏寒也

翡翠

魚狗 爾雅翠鷓郭註似燕紺色生鬱林又鳩天狗郭註小鳥也食魚江東呼為水狗漢書尉佗獻文帝翠鳥毛司馬相如上林賦掩翡翠左思蜀都賦翡翠羣翔



說文翡翠羽雀也翠青羽雀也出鬱林又說文鷓知天將雨鳥也其引禮記曰知天文者冠鷓此鷓與翡翠同名而非同物乃戰國策所謂鷓蚌相持之鷓陳藏器曰魚狗即翠鳥也穴土為巢大者名翠鳥小者名魚狗青色似翠其尾可為飾亦有斑白者俱能水上取魚李時珍曰翡翠出交廣南越諸地飲啄水側穴居生子亦巢於木似魚狗稍大或云前身翡翠後身翠如鵝翠鴈翠之義或曰雄為翡翠其色多赤雌為翠其色多青又曰魚狗一名鷓一名天狗一名水狗一名魚虎一名魚師一名翠碧鳥蓋狗虎師皆獸之噬物者此鳥害魚故得此類命名處處水涯有之大如燕喙尖而長足紅而短背毛

息烽縣志

卷之十五 動物部 禽畜類

十四

翠色帶碧翅尾黑色揚青可飾女人首物亦翡翠之類按今人說鷓多至數十種其說鷓也魚狗而外又有赤鷓山鷓斑鷓笑鷓之分但惟就所見之形狀言其高低大小而不涉及前代所名之為是為非更不辨析同物異名及同名異物之差失當非學者之能事以翡翠魚狗二物而論其在爾雅為鷓與鷓鷓音近而翡翠魚狗之形色及其毛羽之為人取用又多相同故陳藏器以魚狗即翠鳥為說而李時珍亦云魚狗翡翠之類實則爾雅意精而今人言密學者誠能會而通之比而察之則亦庶幾博物之士矣故俗未更服飾敦古之時婦人之簪翠花者衣食自給之家無不競相仿效其業此



者亦多山民之捕翡翠魚狗以售於城市往往而見曾親辨過二物之形色今縣之訪冊有翠鳥而無魚狗夫二物之產於國內既非擇地不應縣境之棄彼而取此是以列翡翠而附之魚狗

叫天子 爾雅鷓天鷓郭註大如鷓雀色似鷓好高飛作聲今江東名之天鷓郝懿行義疎今謂之天雀毛色全似阿鷓而形差小高飛直上鳴聲相屬有如告訴或謂之告天鳥今按此物亦有呼之為百靈者若叫天子之呼則由告天鳥之聲轉遂為一方通謂此物之準營巢於隴畝棘林中歸巢時恒由高降落離巢二三丈之地乃潛伏而入巢以防襲者縣之原野則多見之

息烽縣志

卷之十五 動物部 禽畜類

十五

黃脰雀 爾雅云桃蟲鷓其雌曰鷓郭註鷓鷓桃蟲也俗呼為巧婦詩頌肇允彼桃蟲陸璣疎今鷓鷓是也荀子勸學篇蒙鳩鷓鷓也焦贛易林桃雀竊脂巢於小枝搖動不安為風所吹揚雄方言桑飛自關而東謂之工爵或謂之過羸或謂之女匠自關而西謂之桑飛張華有鷓鷓賦陳藏器曰巧婦小於雀在林藪間為窠窠小如袋李時珍曰處處有之生蒿木之間居藩籬之上狀如黃雀而小灰色有斑聲如吹噓喙如利錐取茅葦毛毳而窠大如雞卵而繫之以麻髮至為精密懸於樹上或一房二房故曰窠林不過一枝每食不過數粒小人畜馴教其作戲郝懿行曰鷓鷓眉間有白如粉編麻為窠故



得女匠巧婦諸名今東齊人謂之屢事稽留揚州人謂之楊串按今毗近諸縣多呼黃豆雀或黃豆圉者豆又脰之訛脫而此物之名之逮壇亦煩甚矣縣人之好事者籠畜之以為鬥博不惜以重金決勝負此風之盛尤於今為烈

鴿

一名鴿鴿一名飛奴寇宗奭曰鴿之毛色於禽中品第最多惟白鴿入藥李時珍曰處處人家畜之亦有野鴿名品雖多大要毛羽不過青白阜綠鵲斑數色眼目有大小黃赤綠色而已今按更有秦鴿蜀鴿滇鴿之分金眼豆眼之別能遠飛者值愈昂飼之者惟以玉蜀黍他物不中食也其卵如拇指大色白一如雞卵以入糞值

息烽縣志

卷之十五 動物部 禽畜類

十六

較雞卵十倍閒遊之少年子弟恒好畜之以竹筒二各長寸餘通孔駢製一哨筒纏負鴿之背尾當天朗日晶時縱使飛空迎風而鳴作聲殊可聽也肉亦中羹食

鸕鷀

爾雅鸕鷀郭註即鸕鷀也喙頭曲如鉤食魚楊孚異

物志能沒於深水取魚而食寇宗奭本草衍義則謂之水老鴉李時珍曰處處水鄉有之似鴿而小色黑亦如鴉而長喙微曲善沒水取魚日集洲渚夜巢林木久則糞毒多令木枯也南方漁舟往往縻畜數十令其捕魚郝懿行曰今江蘇人謂之水老鴉今按此物凡捕魚之漁舟無不畜之縣之漁人亦所在而有其畜此物者常曰其勤於捕魚者值必數倍矣



鶴 詩豳風鶴鳴於垤後漢書楊震傳有冠雀銜三鱣魚置講堂前註冠音貫即鶴雀也禽經鶴仰鳴則晴俯鳴則陰陶弘景曰鶴有兩種似鵠而巢樹者為白鶴黑色曲頸者為烏鶴寇宗奭曰鶴身如鶴但頭無丹項無烏帶不善啖止以喙相擊而鳴多在樓殿吻上作巢嘗日夕觀之並無作池養魚之說李時珍曰鶴似鶴而頂不丹長頸赤喙色灰白翅尾俱黑多巢於高木其飛也奮於層霄旋繞如陣仰天號鳴必有雨今按此鳥隨所在地多見之縣境固不異也

鷗 說文鷗水鴉也一名鷗詩大雅鳧鷗在涇司馬相如上林賦拂翳鳥註翳同鷗李白詩海客無心隨白鷗杜甫

息烽縣志

卷之十五 動物部 禽畜類

十七

詩但見羣鷗日日來李時珍曰鷗者浮水上輕漾如漚也鷗者鳴聲也鷗者形似也在海者名海鷗在江者名江鷗江夏人訛為江鵝也海中一種隨潮往來謂之信鳧生南方江海湖溪間形色如白鴿及小白雞長喙長脚羣飛耀日今按此鳥凡傍溪之樹上無不巢而棲之天將晚時羣爭投宿鳴聲至為聒耳知其為鷗為鷗為水鷗者有識之士夫固皆云然而通常識字無多之人乃呼之曰白鶴究不知其為此鶴字或為鴿字然鶴自是水鳥之善翔而善鳴者其形之大不啻踰鷗十倍鷗亦何得僭擬其名鴿則非水鳥也非其倫也無識者之妄呼抑何可笑之甚也縣凡溪澗之旁何在不有之



鷺鷥。爾雅鷺春鉏郭注白鷺也頭翅背上皆有長翰毛今江東人取以為毳毼名之曰白鷺縷詩周頌振鷺于飛又魯頌振振鷺鷺于下陸璣疎鷺水鳥也好而潔白故謂之白鳥齊魯之間謂之春鉏遼東樂浪吳揚人皆謂之白鷺青脚高尺七八寸尾如鷹尾喙長三寸頭上有毛數十枚長尺餘毳然與眾毛異好欲取魚時則弭之今吳人亦養焉李時珍曰林棲水食羣飛成序潔白如雪頸細而長脚青善翹按今縣之溪澗澤田中靡不有之以魚為食而捕取不易也

鴈。爾雅鳧鴈醜其足蹠詩邶風雝雝鳴鴈又鄭風兩鵲鴈行書禹貢陽鳥攸居註隨陽之鳥鴈屬也周禮春官大

息烽縣志

卷之十五 動物部 禽畜類

十八

宗伯禽作六摯大夫執鴈儀禮士昏禮下達納采用鴈又昏之夕親迎奠鴈禮月令孟春鴻鴈來夏小正鴈北鄉揚雄方言鴈自關而東謂之鴈鵞南楚之外謂之鵞鴈說文鴈鵞也玉篇大曰鴻小曰鴈陶弘景曰鴈類亦有大小皆同一形蘇恭曰鴈為陽鳥與燕往來相反冬南翔夏北徂孽育於北也寇宗奭曰鴈熱則即北寒則即南以就和氣所以為禮幣者一取其信二取其和也李時珍曰鴈狀似鵞亦有蒼白二色今人以白而小者為鴈大者為鴻蒼者為野鵞亦曰鴈鵞爾雅謂之鵞鷓也今按縣境凡有溪澗池澤之旁無不以時得見此鳥因憶昔人有言鴈之南翔不過衡陽衡之南有迴鴈峯



其名以此是縣之地不又在迴鴈峯之更南乎盡信書則不如無書洵有味乎其言之也

鵝

爾雅舒鴈鵝李巡曰野曰鴈家曰鵝說文鴛鵝也長脰善鳴我首似傲故曰鵝埤雅鵝頸如瘤今江東呼駟李時珍曰鵝鳴自呼江東謂之舒鴈似鴈而疎遲也江淮以南多畜之有蒼白二色及大而垂胡者並綠眼黃喙紅掌善鬥其夜鳴應更按此物之重著自在昔王右軍以善書換得喜不自勝而諸家本草或謂之有毒或謂之無毒至嗜食之人亦未聞有被其害者惟以薰鵝掌為珍品者無論其味之如何其殘酷真不足道若縣人畜之者要亦不少

息烽縣志

卷之十五 動物部 禽畜類

十九

鳧

爾雅鷓沈鳧詩鄭風弋鳧與鴈又大雅鳧鷖在渚陸璣曰狀似鴨而小雜青白色背上有文短喙長尾卑脚紅掌水鳥之謹愿者肥而耐寒李時珍曰江湖海泊中皆有之數百為羣晨夜蔽天而飛聲如風雨所至稻梁一空今按有呼野鷖者若貴州人則通呼野鴨縣之溪澗池澤所在皆見縣人有呼水鴨或呼水葫蘆更有青鴨對鴨三鴨六鴨八鴨之分尤以八鴨為脆美其在本草主治補中益氣平胃消食除十二種蟲惟善飛翔不易捕取若鎗銃中之而不活矣

鴨

爾雅舒鳧鷖郭註鴨也說文鷖舒鳧也鳧舒鳧鷖也廣雅鷓鷖鷖鷖也鷖或作鷖並與鴨同周禮大宗伯



庶人執鶩鄭註鶩取其不飛遷象庶人安土重遷也禮  
曲禮庶人之執匹鄭註說者以匹為鶩尸子野鴨為鳧  
家鴨為鶩屈原卜居寧與騏驎抗軓乎將與雞鶩爭食  
乎劉向說苑鶩者鶩鶩也鶩鶩無他心故庶人以鶩為  
摯董仲舒春秋繁露臣湯問仲舒祠宗廟或以鶩當鳧  
鶩非鳧可用否仲舒對曰鶩非鳧鳧非鶩也以鳧當鶩  
鶩當鳧名實不相應李時珍曰按格物論云鴨雄者綠  
頭文翅雌者黃斑色亦有純黑純白者又有白而烏骨  
者藥食更佳鴨皆雄瘖雌鳴重陽後乃肥膾味美清明  
後生卵則內陷不滿伏卵聞齧磨之聲則解而不成無  
雌抱伏則以牛屎媪而出之按今之談動物者固以鴨

息烽縣志

卷之十五 動物部 禽畜類

二十

鶩為非兩類而其種之攸分亦至繁夥國內國外無不  
飼畜居近水涯尤得其宜貴州轄內之人民有專業此  
以為生者秋熟之候伏雛先出數萬千或三五人驅而  
牧之逐已獲之水田中而啜其餘稻及小魚蝦之類不  
費飼養之資而萬千之肥鴨得以隨地而售日拾鴨卵  
無慮千百數人之食用即由茲而出晝居田中夜宿田  
畔雖越數縣境歷程數百里亦所不計所經之田主及  
佃戶從不過問箴製捲棚如半月形平其底鋪薦蓆可  
宿兩人携行頗便不懼風雨謂之看鴨棚鴨當宿時以  
繩作一大團圈傍看鴨棚衛以獵犬防豺狼及小竊之  
攫鴨也冬仲之時則皆殺而售之彙取其毛亦可獲利



毛之極細毳者謂之鴨絨更選取之作卧褥温軟異常  
每一斤當得值百倍是畜鴨之益當可擬之西北人民  
之牧羊縣之人固每有業是者

鷓鴣

爾雅鴉鷓鴣郭註似鳧脚高毛冠江東人家畜之說

文謂之交驢禽經交目其名鴉鷓鴣字亦作交精司馬  
相如上林賦交精旋目陳藏器曰鷓鴣水鳥也出南方  
池澤似鴨綠衣人家養之馴擾不去李時珍曰大如鳧  
鷓而高脚似雞長喙好啄其頂有紅毛如冠翠鬣碧斑  
丹嘴青脰養之可玩今按縣人之所謂建鴨云者狀似  
鴨身較大頭有冠能遠飛然考之古今諸書雖鳧鷓之  
種至繁曾無所謂建鴨其名者以有冠之說尋之似合

息烽縣志

卷之十五 動物部 禽畜類

三

於郭璞李時珍所言且建字之與鴉字一為去聲一為  
平聲蓋鴉字雖有鷓音為入聲然亦有牽音堅音則皆  
平聲也以鴉之音堅而堅建聲轉似又合於爾雅之原  
名倘有以為非然者則當更聆妙論矣

山鳥

爾雅鷓山鳥郭註似鳥而小赤嘴穴乳出西方鄴道

元水經灤水注火山出雛鳥形類鴉鳥純黑而姣好音  
與之同續采紺發嘴若丹砂性馴良而易附牝童幼子  
捕而執之曰赤嘴鳥亦曰阿雛鳥李時珍曰赤嘴穴居  
者山鳥也一名鷓徐松曰巴里坤有此鳥小於常鳥嘴  
足色如珊瑚冬日穴處山谷間彼人謂之紅嘴鴉郝懿  
行曰薊州亦有之形狀悉如徐說此州之人名為賜喜



兒今按縣之北境有所謂四喜者亦獨標其名而不具言大小形色考之諸書更不見其有禽名四喜者惟郝懿行謂薊州人呼山鳥為賜喜兒意者賜四音近而果為山鳥乎然自郭璞至李時珍皆以此鳥為出西方郝懿行乃以為薊州有之薊州又豈非國之北方乎北方既有之亦何不許西南方之貴州而有是物也且今動物學者之談山鳥也曰翼長約九寸至一尺餘嘴細狹翼羽暗灰色帶綠紫有光成長者額及眼前無羽毛常成大羣有時合二三萬頭而為一隊營業於樹上常見一樹有巢十餘每產三五卵淡綠有灰色及藍色斑食昆蟲亦盜食耕地之種子饑餓則掠食鵲鳥及他鳥之

息烽縣志

卷之十五 動物部 禽畜類

三

卵既不拘拘於微古更不限言所產地則縣之有山鳥而或名四喜者於理當未為非是縣之人士有精於動物學者當得而共裁之

鬼車鳥 一名鬼鳥 一名九頭鳥 一名蒼鷄 一名奇鷄 郭璞江賦龍鯉一角奇鷄九頭陳藏器曰鬼車晦暝則飛鳴相傳此鳥昔有十首犬噬其一猶餘九首其一則常滴血血著人家則凶荆楚人夜聞其飛鳴但滅燈打門捩狗耳以厭之言其畏狗也白澤圖言蒼鷄有九首及孔子與子夏見奇鷄九首皆此物也李時珍曰鬼車妖鳥也取周易載鬼一車之義似鷄而異故言奇鷄狀如鷄鷄而大者翼廣丈餘晝盲夜瞭見火光輒墮按劉恂嶺



表錄異云鬼車出秦中而嶺外尤多春夏之交稍過陰  
晦則飛鳴而過聲如刀車鳴血滴之家定有凶咎便民  
圖纂云冬月鬼車夜飛鳴聲自北而南謂之出巢主雨  
自南而北謂之歸巢主晴周密齊東野語云宋李壽翁  
守長沙曾捕得此鳥狀類野鳧赤色身圓如箕十頸環  
簇有九頭其一獨無而滴鮮血每頸兩翼飛則霍霍並  
進此郭璞與陳李兩家各據所聞以說此物之大較也  
今有言荆楚人之諺曰天上九頭鳥地下湖北獠蓋亦  
借此物以喻其鬼怪也第湖北人豈盡不可逢耶惟今  
之言九頭鳥者豈曾有目睹之一二乎既無一二目睹  
而又必言之不惟通常言之纂一縣之方物不見訪稿

息烽縣志

卷之十五 動物部 禽畜類

二十三

之所有而特以之攙列是又為何說也銜奇乎尚鬼乎  
皆非所謂惟時之當春或秋每在風雨晦暝之夕但聞  
天空啾啾不絕之繁響人家則皆擗壁捶門以驚逐之  
謂不如是則恐九頭鳥之久頓而滴血兆禍諸縣皆然  
不獨息烽而有是習慣今之研究動物者絕不聞一語  
道及此物豈非以不見其形狀不明其棲宿既無取徵  
難憑擬說也乎然而春秋晦暝之夜乃飛鳴於天空者  
果何物乎夫鳥之夜鳴者固有之矣叫月之子規則不  
取於秋也南飛之鳥鵲必月明星稀而後聞之也然不  
以風雨晦暝之際而奮飛長鳴也有說以為鴻鴈之類  
亦難徵其實鴻鴈雖水鳥而必巢於樹日之將夕棲宿



而不出也夫鬼車崇人之舊說要不必盡信之若李壽翁之捕得而察見其形態既為周密之筆錄當亦有可信者是宜志之一則以提撕俗忌一則以待探究之尤精者

點燈捉蝎蚤 遵義府志引蜀都碎事即以所聞之鳴聲以名此鳥至其為說亦誕之甚者縣之人當春時夜半固亦聞此鳴聲仍即其聲以名其物夫禽經未紀本草不言今之學者亦未論及之物奚止於是然既實有其物後必得精究之人探尋其形狀及其有無增益於人類者而實著之固無取乎俚誕之昔說

燕 爾雅燕𪗇說文燕玄鳥也籀口布翅岐尾象形詩邶風

息烽縣志

卷之十五 動物部 禽畜類

二十四

燕燕于飛又商頌天命玄鳥禮月令玄鳥歸左傳昭十七年玄鳥氏司分者也莊子山木篇鳥莫智於鷦鷯司馬彪註鷦鷯燕也其異呼曰𪗇鳥曰鷺鳥曰游波曰天女陶弘景曰燕有兩種紫胸輕小者是越燕不入藥用有斑黑而聲大者是胡燕李時珍曰燕大如雀而身長籀口豐頰布翅岐尾背飛向宿營巢避戊己日春社來秋社去其來也銜泥巢於房宇之下其去也伏氣蟄於窟穴之中今按此鳥之來去固如前說而貴州人乃有鼠不打空倉燕不進愁門之諺語洵乎衰散之家此鳥必不營棲也莊生之言有味乎哉

雀 一名賓雀一名瓦雀一名麻雀一名黃雀李時珍曰短



尾小鳥也棲宿簷瓦之間馴近階除之際如賓客然故  
曰瓦雀賓雀俗呼老而斑者為麻雀小而黃口者為黃  
雀處處有之羽毛斑褐頰嘴皆黑頭如顆蒜目如擘椒  
尾長二寸許爪距黃白色躍而不步其視驚懼其目夜  
盲其卵有斑八九月羣飛田間啄食獲餘體絕肥背有  
脂如披綿性味皆同可以炙食作鮓甚美今按此雀亦  
自昔至今繁生遍有之物人多儼鼠而言雀鼠見於詩  
之召南及以後之吟詠者蓋已指不勝屈今之談動物  
者曰美利堅國百年以前不見此種有人携一千五百  
頭放養之未三十年間已彌布全國其孳息之強尤可  
見矣其肉及卵皆入藥用具詳本草

息烽縣志

卷之十五 動物部 禽畜類

二十五

蝙蝠

爾雅蝙蝠服翼郭註齊人呼為蠟燭或謂之仙鼠揚

雄方言蝙蝠自關而東謂之服翼或謂之飛鼠或謂之  
老鼠或謂之仙鼠自關而西秦隴之間謂之蝙蝠北燕  
謂之蠟燭劉向新序黃鵠白鶴一舉千里使之與燕服  
翼試之堂廡之下廬室之間其便未必能過燕服翼也  
王德瑛說燕服翼是一物今東齊人謂之燕蝙蝠是也  
按今登州謂蝙蝠為螢蚨語聲之轉耳李時珍曰一名  
伏翼一名夜燕形似鼠灰黑色有薄肉翅連合四足及  
尾如一夏出冬蟄日伏夜飛食蚊蚋自能生育郝懿行  
曰蝙蝠以夜出飛翔庭院掠蚊蚋而食之毛紫黑色肉  
翅與足相連巢所屋簷孳乳其中今之談動物者乃謂



為飛行空中之小獸其異種則有油蝙蝠山蝙蝠白股蝙蝠  
蝙蝠長指蝙蝠兔蝙蝠鼯蝙蝠諸名亦自古至今繁生通有之物  
惟從前語怪之人或謂之為肉芝或以為鼠所化主此  
說者厥為葛洪而陶弘景蘇恭輩皆不察而附和之致  
有篤信飛昇之流服食而暴死者李時珍既詳斥之是  
矣至鼠化之說李時珍與郝懿行皆不謂然不謂然者  
亦是矣若巢棲屋檐者為油蝙蝠蝠巢棲山洞者為山蝠  
蝠則今人之說頗精於前固當從之縣之所產大畧不  
出此二種

鷄

爾雅鷄大者蜀蜀子雉未成鷄健絕有力奮易說卦傳  
巽為鷄禮曲禮鷄曰翰音詩王風鷄棲於埘又鄭風女

息烽縣志

卷之十五 動物部 禽畜類

二十六

曰鷄鳴又齊風鷄既鳴矣論語殺鷄為黍而食之孟子  
鷄豚狗彘之畜無失其時李時珍曰鷄類甚多五方所  
產大小形色往往亦異朝鮮一種長尾鷄尾長三四尺  
遼陽一種食鷄一種角鷄味俱肥美大勝諸鷄南越一  
種長鳴鷄晝夜啼叫南海一種石鷄潮至即鳴蜀中一  
種鷄鷄楚中一種倉鷄並高三四尺江南一種矮鷄脚  
纔二寸許也其鳴也知時刻其棲也知陰晴聞鷄能鳴  
者有毒四月毋食抱鷄肉烏骨鷄有白毛烏骨者黑毛  
烏骨者斑毛烏骨者有骨肉俱烏者肉白骨烏者但觀  
鷄舌黑者則骨肉俱烏入藥更良今按家畜之至易無  
如此物雄體較大而雌不及雄者具朱色之肉冠甚高



雌則微露而已雄者尾長而羽毛豐美雌者亦大遜之  
雄者鳴聲長而應更雌者又不然閩鷄冠乃如雌且亦  
不鳴氣不全也鬥鷄體健而足高與諸鷄異世有人居  
之地無不即有此畜其飼養也穀蔬咸宜而其啄食諸  
蟲至為便利古來談五行講厭勝者多用鷄血國內至  
今不易此習小有殃咎及疾病之家必取雄鷄血釁攘  
之即喜慶之事亦無不以雄鷄血為祓除之且縣人之  
畜鷄者固無異於他境而閩鷄之多且大他縣或不如  
之以故會城之小貿者每一集期則擔販盈途斯亦養  
鷄之微息也